



Sarajevo, 12.12.2007. godine

PREDMET: Saopštenje političkim strankama

Kontrolom i revizijom finansijskih izvještaja političkih stranaka uočeno je da političke stranke krše odredbe Zakona o finansiranju političkih stranaka („Službeni glasnik BiH“ broj 22/00) na način da se finansiraju suprotno odredbama Zakona i finansijske izvještaje ne podnose Centralnoj izbornoj komisiji BiH u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06) kojima su propisani forma i način podnošenja finansijskih izvještaja.

Iz navedenih razloga Centralna izborna komisija BiH je smatrala potrebnim da se provede edukacija kojom trebaju biti obuhvaćene sve političke stranke, a za termin obuke je predložen mjesec novembar 2007. godine, kako političke stranke ne bi ponavljale iste greške i propuste prilikom izrade i podnošenja godišnjeg finansijskog izvještaja za 2007. godinu.

Edukacija predstavnika političkih stranaka, a prije svega osoba ovlašćenih za podnošenje finansijskih izvještaja je održana u četiri grada: Sarajevu, Banja Luci, Tuzli i Mostaru kako bi mogao prisustvovati veći broj predstavnika političkih stranaka.

Sve političke stranke su bile blagovremeno obavještene o edukaciji, lokaciji i terminu održavanja, sadržaju edukacije i bila im je data mogućnost da daju svoje prijedloge i sugestije vezane za mjesto održavanja obuke i delegiraju pitanja koja bi mogla biti obrađena na treningu.

Centralna izborna komisija je u pisanoj formi sačinila odgovore na najčešća pitanja koja su postavljali prisutni predstavnici političkih stranaka tokom edukacije i aktom broj 09-07-6-3050/07 od 12.12.2007. godine prosljedila ih svim političkim strankama (neovisno da li su njihovi predstavnici bili prisutni na edukaciji ili ne).

Iste odgovore objavljujemo i na web stranici Centralne izborne komisije BiH.